

重刊巢氏諸病源候總論

十一



癭瘤等病諸候 凡一十五論

癭候

癭者由憂恚氣結所生亦曰飲沙水沙隨氣入於脉搏頸下而成之初作與癭核相似而當頸下也皮寬不急垂槌槌然昇也恚氣結成癭者但垂核槌槌無脉也飲沙水成癭者有核癭癭無根浮動在皮中又云有二種癭有血癭可破之有息肉癭可割之有氣癭可具針之

養生方云諸山水黑土中出泉流者不可久居常食令人作癭病動氣增患

瘤候

瘤者皮肉中忽腫起初梅李大漸長大不痛不痒又不結強

言留結不散謂之爲瘤不治乃至壅大則不復消不能殺人亦慎不可輒破

腦濕候

腦濕謂頭上忽生肉如角謂之腦濕三腦濕氣濕蒸衝擊所生也

黑痣候

黑痣者風邪搏於血氣變化生也夫人血氣充盛則皮膚潤悅不生疵瘕若虛損則黑痣變生然黑痣者是風邪變其血氣所生也若生而有之者非藥可治面及體生黑點爲黑痣亦云黑子

赤疵候

面及身體皮肉變赤與肉色不同或如手大或如錢大亦不痒痛謂之赤疵此亦是風邪搏於皮膚血氣不和所生也

白癰候

白癰者面及頸項身體皮肉色變白與肉色不同亦不炸痛謂之白癰此亦是風邪搏於皮膚血氣不和所生也

癰瘍候

癰瘍者人頸邊有胷前按下自然斑剝點相連色微白而圓亦有烏色者亦無痛痒謂之癰瘍風此亦是風邪搏於皮膚血氣不和所生也

疣目候

疣目者人手足邊忽生如豆或如結筋或五箇或十箇相連肌裏粗強於肉謂之疣目此亦是風邪搏於肌肉而變生也

鼠乳候

鼠乳者身面忽生肉如鼠乳之狀謂之鼠乳也此亦是風邪搏於肌肉而變生也

多忘候

多忘者心虛也。心主血脈而藏於神。若風邪乘於血氣，使陰陽不和，時相并隔，下虛上實，血氣相亂，致心神虛損而多忘。養生方云：丈夫頭勿北首，卧神鬼不安，多愁忘。

嗜眠候

嗜眠者由人有腸胃大皮膚澀者，則令分肉不開，解其氣行則於陰而遲留，其陽氣不精神明，喪昏塞，故令嗜眠。其湯熨針石別有正方補養宣導，今附於後。

養生方導引法云：踞踞交兩手，內並脚中入，且兩手急引之，愈又寐精氣不明，交脚踞踞，凡故言踞踞以兩手從內屈脚，中入左手從右趺踞上入，左足隨孔下，右手從左足踞上入，右足隨孔下出，抱兩脚急把兩手極引，二通愈久，寐精神不明，又行則不唾，長精明。



又云

一手拓頰向上極勢

手向後長舒急努四方顯手掌

一時俱極勢四七左右換手皆然拓頰手兩向共頭敵側二身一七去臂膊風眠睡尋用永吉日康

鼾眠候

鼾眠者眠裏喉咽間有聲也人喉嚨氣上下也氣血若調雖寤寐不妨宣暢氣有不和則衝擊喉咽而作聲也其有肥人眠作聲者但肥人氣血沈厚迫隘喉間澀而不利亦作聲

體臭候

人有體氣不和使精液雜穢故令身體臭也其湯熨針石別有正方補養官導今附於後

養生方云以手掩口鼻臨目微氣久許時手中生液速以手摩面目常行之使人體香

狐臭候

人腋下臭如葱豉之氣者亦言如狐狸之氣者故謂之狐臭此皆血氣不和蘊積故氣臭

漏腋候

腋下常濕仍臭生瘡謂之漏腋此亦是氣血不和為風邪所搏津液蘊聚故令濕臭

。丹毒病諸候——凡一十二論——

丹候

丹者人身體忽然焮赤如丹塗之狀故謂之丹或發手足或發腹上如手掌大皆風熱毒所為重者亦有疸之類不急治則痛不可堪久乃壞爛去膿血數升若發於節間便一二之四支毒入腸則殺人小兒得之最忌

白丹候

白丹者初發痒痛微虛腫如吹軫軫起不痛不赤而白色由挾風冷故使色白也

黑丹候

黑丹者初發亦痒痛或燥腫起微黑色由挾風冷故色黑也

赤丹候

赤丹者初發軫起大者如連錢小者如麻豆肉上粟如雞冠肌理由風毒之重故使赤也亦名茱萸丹

丹軫候

丹軫者肉色不變又不熱但起隱軫相連而微痒故謂為丹軫也

室火丹候

室火丹初發時必在脰脇如指大長三二寸瘦色赤而熱是也

天竈火丹候

天竈火丹發時必在於兩股裏漸引至陰頭而赤腫是也

廢竈火丹候

廢竈火丹發時必於足趺上而皮色赤者是也

尿竈火丹候

尿竈火丹發於胃腹及臍連陰頭皆赤是也

漂火丹候

漂火丹者發於背亦在於臂皮色赤是也

癰火丹候

癰火丹者發於髀而散走無常處著皮赤是也

螢火丹候

螢火丹者發於髀至脅皮赤是也

石火丹候

丹毒候

石火丹者發通身似纈目突如粟是也皮色青黑

腫病諸候

凡一十七論

諸腫候

腫之生也皆由風邪寒熱毒氣客於經絡使血澀不通壅結皆成腫也其風邪不作者腫無頭無根浮在皮上如吹之狀也不赤不痛或腫或散不常腫其寒氣與血相搏作者有頭有根色赤腫痛其熱毒作者亦無正頭但急腫久不消熱氣結盛壅則為膿其候非一故謂之諸腫

風腫候

凡人忽發腫或著四支或在胷背或著頭項水牢如畔大虛腫面如吹之狀不痛不赤著四支者乃欲不遂令人煩滿短氣身體常冷皆由冬月遇溫風入人肌裏至春復適大寒

風不得出氣壅肌間不自覺至夏取風涼濕氣聚不散而成
腫久不瘥氣結盛生熱乃化為膿血並皆爛敗則殺人右手
關上脉浮而虛者病腫

卒風腫候

人卒有腫不痛不赤移無常處而兼痒由先無患偶腠理虛
而逢風所作也

風毒腫候

風毒腫者其先赤痛踰執腫上生瘰癧如火灼是也

毒腫候

毒腫之候與風腫不殊時令人壯熱其邪毒甚者入腹殺人

毒腫入腹候

此候與前毒腫不殊但言腫熱不盛入腹故也毒入腹之候
先令人刺齬惡寒心煩悶而嘔逆氣急而腹滿如此者殺人

惡核腫候

惡核者肉裏忽有核累累如梅李小如豆粒皮肉燥痛左右走身中卒然而起此風邪挾毒所成其亦似射工毒初得無常處多惻惻痛不即治毒入腹煩悶惡寒即殺久不瘥則變作癰

腫核候

凡腫挾風冷則不消而結成核也

氣腫候

氣腫者其狀如癰無頭虛腫色不變皮上急痛手繞著便即痛此風邪搏於氣所生也

氣痛候

人身忽然有一處痛如打不可堪耐亦乍走身間發作有時痛發則小熱痛靜便如水霜所加故云氣痛亦由體虛受風

邪所侵遇寒氣而折之邪氣不出故

惡脉候

惡脉者身裏忽有赤絡脉起龍挺聚如死蚯蚓狀看如似有水在脉中長短皆逐其絡脉所生是也由春冬受惡風入絡脉中其血瘀結所生久不瘥緣脉結而成癰

惡肉候

惡肉者身裏忽有肉如小豆突出細細長乃如牛馬乳亦如雞冠之狀不痒不痛久不治長不已由春冬被惡風所傷風入肌肉結瘀血積而生也

腫有膿使潰候

腫壯熱結盛則血化為膿若不早出膿膿食筋爛骨則不可治也

腫潰後候

凡癰腫既潰訖膿汁湏及時而盡若汁不盡還復結腫如初
腫之候無異即稍難治

遊腫候

游腫之候青黃赤白无復定色遊走皮膚之間肉上微光是
也

日遊腫候

日遊腫其候與前游腫相似但手近之微痛如復小痒為異
此言犯觸日遊神之所作

流腫候

流腫凡有兩候有熱有冷冷腫者其痛隱隱然沈深著臂膊
在背上則腫起憑憑然而急痛若手按及針灸之即腫起是
也熱腫者四支熱如火灸之狀移無常處或如手或如盤著
背腹是劇則皆熱如火徧身燿燿然五心煩熱唇口乾燥如

注之狀此皆風邪搏血氣所生以其移無常處故謂流腫

丁瘡病諸候

凡一十三論

丁瘡候

丁瘡者風邪毒氣於肌肉所生也凡有十種一者瘡頭烏而強凹二者瘡頭白而腫實三者瘡頭如豆淫色四者瘡似葩紅色五者瘡頭內有黑脉六者瘡頭赤紅而浮虛七者瘡頭葩而黃八者瘡頭如金薄九者瘡頭如菜莖十者瘡頭如石榴子亦有初如風軫氣搔破青黃汁出裏有赤黑脉而小腫亦有全不令人知忽以衣物觸及摸著則痛若故取便不知處亦有肉突起如魚眼之狀赤黑慘痛徹骨久結皆變至爛成瘡瘡下深孔如大針穿之狀初作時突起如丁蓋故謂之丁瘡今人惡寒四皮強痛兼忉忉然牽疼一二日瘡便變焦

黑色腫大光起根韌強全不得近酸痛皆其候也在手足頭面骨節間者最急宜蘇履則可也毒入腹則煩悶恍惚不佳或如醉患此者三二日便死

養生方云入汗入諸食內食之作丁瘡

雄丁瘡候

雄丁瘡者大如錢孔烏蟹似多瘡四畔泡漿色赤又有赤粟乃言瘡而不腫刺之不痛而兼熱者名為雄丁瘡

雌丁瘡候

雌丁瘡者頭小黃向裏蟹赤似多瘡四畔泡漿外赤大如錢孔而多汁腫而不痛瘡內有十字畫而兼冷者謂之雌丁瘡

紫色火赤丁瘡候

此瘡色紫赤如火之色即謂紫色火赤丁瘡也

牛丁瘡候

牛丁瘡皮色不異但腫而頭黑挑之黃水出四邊赤似茱萸房者名為牛丁瘡

魚臍丁瘡候

此瘡頭黑深破之黃水出四畔浮漿起挾長似魚臍故謂之魚臍丁瘡

赤根丁瘡候

瘡形狀如赤豆或生掖下如鴨子大者世人不識但見其赤即謂之赤根丁瘡

犯丁瘡候

犯丁瘡謂丁瘡欲瘥更犯觸之若大嗔及食猪魚麻子并狐臭人氣熏之皆能觸犯之則更極乃甚於初更令熱焮腫先寒後熱四支沉重頭痛心驚嘔逆煩悶則不可治

丁瘡腫候